

## GU GATUUK KAM UA'NA'N GU PAABLO NAT GIOP TU UA'ÑXI GU TIMOTEO

### *Gu Paablo na ba ñio'kdha'*

<sup>1</sup> Aañ Paablo nañ jir nobii'ñ guch Xoi'kam nat Dios bhach joochxi ya' dhi oi'ñga'n, nat gu' bijik ðir pui' ja'k pu tu dai na ba' mi' ðir pu'ñix bhai' ba tuch jimda' gammiji, na gu' guch Xoi'kam pix bhaan jup tu tu'ii' nat jix bhai' dhuu.

<sup>2</sup> Ba' aañ ya' tum ua'ñxidha' aapi' Timoteo nañ joidham xim da', ja'p ji buusan nap jir jiñ mar. Guch Gi'kora' Dios gio gu Gø'kam jich Xoi'kam pix git ba' moo xim joi'mdat jum a'm ti ñiidhidha' am na ba' cham jix buam jum duukam jum daam jimiidha'.

### *Gu Paablo na ba aagi'ñdha' na cham xi'rdat ja aagi'ñdha' gu ja'tkam nar tu'p tu'm da' guch Xoi'kam*

<sup>3</sup> Aañ gammijim ti'ñchot taxchaabgi'ñdha' gu Dios nañ tu daanda' buiñor nabap tanoolh gio nabap tukaa', nañ gu' aañ dai gui'r tujuandam tugi'ñ nañ pu ðuñiim na tu'r jix kii'p jum duukam, ja'p na jax guñ bopxi kat na mit pui'p tu juañxidhak gu Dios.

<sup>4</sup> Ja'p jañ chi moo joidham jix bhai'ñ ilhdha' no' ñich jax dhuuk giop jum tii maaxik, ti xim tii gim iñ gu'. Pui ti'ñcho iñ na pich susua, cham mik buppa iñ.

<sup>5</sup> Ti'ñcho iñ sia nap jix bhai' buiñor jix biiñak guch Xoi'kam. Bii'p buiñor jum biiñkai gum abuil

Loida gio gum naan Euniise, pui' kuñ ba' aañ jix maat nap ja'xbui'p jix biiñak na jax gui' am.

<sup>6</sup> Ba' aañ jum aagi'ñ nap jix io'm xim guguuxd-hai pui' xi dhuñia' nat tu' bhaan jum a'm ti ði gu Dios jano' na ñich bhai' xim daagik tum daañxi.

<sup>7</sup> Nat gu' gu Dios cham tu'ch a'm tajaa gu jax chu'm ii'mda' na bhaan jich øøka' gu too'nni', gu' gui' ji na tu guguuxi'ñ, gio na tu maak joi'mdara', gio nañ mattu'nka' no'ñ moox bhai'm duukam jup tu bua.

<sup>8</sup> Jum jur jap xi dhaasai nai' xi ja mattuda' gu ja'tkam nar tu'p tu'm da' guch Xoi'kam, cha'p xi'irdat. Ni kup cham jiñ a'mkam xi'irda' nañ pu chu'm ki'n ya' kuup, gu' matgim ja'pji ji'x nam guguuxi'ñ gu Dios jap cham jax ji kai'chit pui'p xim tulhiiña' ki'n gux bhai'm kai'chdham ñio'ki'ñ guch Xoi'kam.

<sup>9</sup> Nat gu' gu Dios mi' dhir bach boosolh nach pai' mu ja'k ba jiiमित nach pai' gammiji mi' pup jich chulhiiñdha' git, xib ba' dai nach aach diilh mi' pui' ba jii'mda' na jax jix aa'. Xi dho'ñchidha' ich guch ii'mda' na ba' gui' diilh pui' ja'k duiñchu'nda' na jax jix aa'. Gio gu' aach cham tu' tu'x bhai'm duukam jup duu gu tu' nat ba'x bhai'ch dhuu gu Dios, gu' ja'pji diilh pix nat jix bhai'ch dhuu, na gu' pux maat na pui' ja'k jix bhai' ji chu buusnia'. Xich joi'gilh bhaankam guch Xoi'kam pu bñpi' dir nat chakuip duuk dhi oi'ñga'n.

<sup>10</sup> Xib jix bhai' kach mattuda na tu' silhkam xich joi'gi'n, bhaan maat jachich nat bhach joochxi guch Xoi'kam nat ba'ch boosolh nach mu ja'k ba jiiमित nach pai' gammiji git mi' pup jich chulhiiñdha'. Ma'iich guch Xoi'kam gu muuki' na ya' tu

daam kii'kat dhi oi'ñga'n bhaan. Ba' ja'p ji buus nat jix chu maax jup tum duu nach ba'x bhai' ti niidhat mi' pui' jiidma' na jax jix aa' gu Dios, gammijich ba' buiñor bap tui'ñgida'.

<sup>11</sup> Aañ dhi' pu chu'm ki'n jir nobii'ñ gu Dios nañ ja aa'ñdhim gu ja'tkam gux bhai'm kai'chdham ñio'ki'ñ guch Xoi'kam, pu chu'm jiñ aa'ñdhak nai'ñ joot nañ nai' jimdat ja mamtuxdhidha'.

<sup>12</sup> Dhi' pu chu'm ki'n ba' ya' bañ chulhiiñ iñ. Ku gu' cham tu' ji nañ moo dhi' ki'n jup bax xi'ir, nañ gu' aañ jix maat nañ jaro'i' buiñor jix biiñak. Cham jax jiñ aa' iñ ba', nañ gu'x maat na gui'ñ palhbui'ñchu' nañ ba' biix tu kuugalhdhim na ji'k tanoolh tu daaxix nañ ya' pui' tu duñia' nat ji'k tuñ chia, na gu'r gø'kam.

<sup>13</sup> Aap ba' mi' pui'p xi dhuiñchugit na ñich jax ja'k tum aa'ñ. Gammijip jix biiñak ka' buiñor guch Xoi'kam gam nap jix ja joi'mdat gu jai', gook dit maa'n ñi'ook jup duuk ich gu' buiñor guch Xoi'kam.

<sup>14</sup> Dai dhi'p bhaan tu daa'ñchu'ndat mi' pui' jimda' nap tu'x chaat nar jix kii'p jum duukam, na gu' gu Dios pix na dhi'x aa'nda' nap bhaan tu daa'ñchu'nda', na gu' gux Dhuudu' kam jix Uañ Ii'mdaga'n nam palhbui'ñchu'nda' nach a'm tajaañix.

<sup>15</sup> Ba' pui' nap jax jup bax maat na mit ja'p xiñ dhuuk guch jaaduñ nam pui' tiip ti jii'gi'ñ buiñor guch Xoi'kam gui' nam Aasia dibii' bhaan oi'dha', jai' dhit jir di' am gu Pijeelo gio gu Ermoojenes.

<sup>16</sup> Gu Onesiporo dho gi gu' mui'kim ya' ba ji ai ji nañ guguuxi'ñ nañ cham tu' bhaan jax jiñ aa'nda'. Cham pai' jax kai'ch no'p jix xi'ir jiñ a'mkam nañ

ya' kuup. Guch Xoi'kam pix git ba' moo ja a'm ti naidhidha' bix nam jik'k maap jir jum oi'dhagim.

<sup>17</sup> Jum dikoo'n nat jin' gaa nat jax ya' ai Rooma, pu cham jix jum jip. Nat pai'n chii nat ba'x bhai'm ilh.

<sup>18</sup> Gu Dios git pix ba' moox joi'mdat tigia' jano' na pai' dhuuk tu kuugalhdha'. Jix maat ap dho nat bixchu' bhaan g'kam ki'n jich palhbui nach maap mu oipimik Eepeso.

## 2

*Gu Paablo na pui' ba tida' nar jix ki' sandaarui'x chugi'n ka' guch Xoi'kam*

<sup>1</sup> Aapi' nañ pui'm ilhii'n nap jir jin' mar, diil' jap xim guguuxdhai mi' pui' xi jimda' na jax jix aa' guch Xoi'kam, na gu' gui' xich joi'mdat jich a'm ti naidhim.

<sup>2</sup> Jai'p pui' xi ja tida' gu chichio'n nam pui'p ti jigi'n buinor guch Xoi'kam nam mi' dhir gammiji ja'k ja aagi'ndha' gu ja'tkam na pich jax ja'k jin' kai nañ kai'ch jano' nam mui'n k'e'e, ku gu' gui' ji nap pu ja tida' nap jaroix ja mat ka' nam silkam pui' duña', gio nam jix joojoi'ndha' nam tu mam-tuxdha'.

<sup>3</sup> Cha'p tu' bhaan jax jim aagit xim do'ncho' nap jum tulhiina', na gu' dhi' bhaan jix maati' ka' no'p jir jix ki' sandaarui'x chugi'n guch Xoi'kam.

<sup>4</sup> Na gu' gu jax chu'm sandaarui'x no'r jix ki', cham tu' tu' jumai bhaan tii'nchoka', dai na mi' pui' tu duñiidha' na jax ja'k tu aagix ka' ja bui gu sandaarui'x, na gu'x aa'nda' nax bhai' bi'idha' buinor gu g'kam tugi'n.

<sup>5</sup> Piam pui' na jax gui' nam titbia, no't maadit cham pui' ja'k titbia na jax ja'k aagix ka' nam titbia', cham ji'xkat makia' am gu tu' nam ti iim-chuxdha' bii'pi' dir nar mai'chikga'n ka'.

<sup>6</sup> Piam gu jaroi' no't mi' pai' ti ii na gu'm aa'nda' nax bhai' duñaia' na ba' tu' mi'p oraa'. Na gu' no't cham bhai' duu, cham ji'xkat tu' mi' oraa'.

<sup>7</sup> Jix bhai'p bhaan xim ga'ngada' dhi' nañ ji'k jax jum titda, guch Xoi'kam ba' diilh pui'm jurtuda' na jax pik jir jum duukam bix.

<sup>8</sup> Ti'ñchokat ap nat guch Xoi'kam muukik gio duadik jup buus mi' dhir koi'ña'n tir. Jir boxii'ñ kat gu Dabii' gui' nax io'm jir gø'kam kat bijik. Dhi'ñ ba' ja aagi'ñ gu ja'tkam na jax jir jum duukam. Ba' gui' nam ji'k ti jii'ñdhim, cham ja tulhiiñchuda' gu Dios gatuuk.

<sup>9</sup> Dhi' ba' pu chu'm ki'n ya'ñ chulhiiñat tu nakoo' iñ. Jiñ buupur am bapai'ñum kiki'i'ñxim ki'n, ja'p tu'ii' iñ na jax gui' nam giilhim jix buam tomaat. Ku ba' gu' na gu' gux bhai'm kai'chdham ñio'ki'ñ gu Dios cham tu' buupulh.

<sup>10</sup> Pui' kuñ ba' cham jax jiñ aagit xi kiki' nañ tu nakoo' nam ba' bhaan jum guguuxdhai pui'p ti jii'ñdha' buiñor guch Xoi'kam gui' nat ji'k Dios ja a'm ti ti. Ba' cham ji'xkat mu ja'k ka bhiiya' am nam pai' gammiji git mi' pup jum tulhiiñdha', dai nam jimia' na pai' joidham jix chu abhaar, dai pix no' mit ba ti jii'ñ buiñor guch Xoi'kam.

<sup>11</sup> Jir silhkam dho maaxik na ja'pni tu tu'ii':  
Ja'p ji buus na chich bii'ma'n koi guch Xoi'kam  
jano' na mit pai' dhuuk mua.

Ba' nat pai' dhuuk duadik giop buus,

pui'p ji buus na chich pui' bii'ma'n duduadik jup  
bubua.

<sup>12</sup> Ba' no' chich jich chulhii,  
jir jich mai'chik ka' nach buiñor jimia' na pai' dhir  
bii'x kap jir gē'kam.

Ba' no' chich ja'p xi dhuuk,  
gui' ja'p jup xich dhunai.

<sup>13</sup> Gio no'ch aach ji'x cham mi' pui' jiim na jax gui',  
diihl maa'n na jax mi' pui' jimda',  
na gu' diihl cham ji'xkat jum o'joldha'.

*Gu Paablo na ba aagi'ñdha' nax bhai' ja aagi'ñdha'  
gu ja'tkam na jax jir silhkam*

<sup>14</sup> Jix gi'm jap xi ja aagi'ñdha' guch Xoi'kam  
jii'gi'ñdham na cham jir am nam bhaan tu a'gada'  
gu tu' na pu cham tu' bhai'. Na gu' dhi' dai nam  
bhaan pix ba ñiokboda', jix buam jum aa'nda' am  
ba' jai' dhit nam tē kēkē'.

<sup>15</sup> Diihl jap xim guguuxdhai mi' pui' xi jimia' na  
jax jix aa' gu Dios, cha'p xi'irdat. Silhkam jap tu  
a'gada' na jax jir mi' pui' gux bhai'm kai'chdham  
ñi'look.

<sup>16</sup> Aap diihl cham jup tu a'gat gu tu' na pu cham  
tu' bhai' nam jax chu'm tu a'ga gu ja'tkam ya' dhi  
oi'ñga'n. Na gu' gui' nam pu chu'm ba ji chu a'ga',  
saalh pui' pu chu'm ji chu a'gimi gammiji mikkat  
cham kar kikii' ja'tkam ka' am, maakam pix ba  
kai'chdha' am.

<sup>17</sup> Mi' dhir ba' pui'p ja mamtuxdhidha' am gu  
jai', saalh pix ji ja ia'ñdhidha' ja'p na jax gu ko'kdai'  
gui' na cham duadhi' na saalh ja'k tu a'ji. Pui' ja'k  
tu ja duiñchu' gu Imeneo gio gu Pileeto.

<sup>18</sup> Maakam sap pix ba tu a'ga am na jax cham  
jir silhkam, ja'p sap kai'chdha' am na cham

ji'xkat gio mi'p ka baapkia' guch i'ii'mda' bhaan guch chutku' nach ba' gio duduadiip baapmgia'. Mui'm sap pui' ja'k bhaan ba ti jüigi'ñ nam jax ja aagi'ñ.

<sup>19</sup> Ku ba' gu' na gu'p jum kai'ch maa'n kap na mit pai' tu ua'nak gu bijik dir kam: “Diilh jix maat guch Gi'kora' nam ji'k silhkam buiñor jup tui'dhi'.” Gio ja'p iam ja'pnip tu ua'ñix: “Gui' nam silhkam daan gu Gø'kam Dios, jum aa' nam cham tu'x buam jum duukam bhaan ka titii'ñchoka'.” Dhi' bhaan jich aagi'ñ gu Dios nach ba' diilh xich ga'ngada' no'ch mi' pui' jiim piam ku gu' cham.

<sup>20</sup> Mi' pai' no' gø'r kiicham, cham tu' dai mix jai'ch ka' gux u'uam piam jix chooto bapaiñum jix a'bhar totbikdam jup duñiixim ilhich jup jum duu'nkam, gu' matgim ja'pji sia gu u'uux jup duiñxim na mix chu jai'ch ka' gam bhi'ñ. Ba' ji'k pix nam jix dha'ram ja ilhii'ñdha', jax chu'm nax io'm jix a'bhar ka'.

<sup>21</sup> Aach ba' pu'ñi ip buiñor guch Gi'kora' no'ch jix aa' nax dha'ram jich ilhii'ñdha', gio no'ch jix aa' nach tu'x bhaai'n ka' buiñor, jum aa' nach jix u'uañ oipoda', nach cham tu'x buam tu buada'. Pu'ñi ja'k dho gi gu' tu'x bhaai'n ka'ch ji buiñor guch Gi'kora', jich dharsa' ba' tu' na pix bhaan nach jix bhai'm duukam jup tu duñia'.

<sup>22</sup> Ja'p jap xi buusnichgida' no' bixchu' bhaan xi chum mai'chim nap jir biapma'. Xi kükgida' ap nap mi' pui' jimda' na jax jix kü' ka'm ni'ñ guch Xoi'kam, gammijip jix biiñak ka' buiñor, xix ja joi'mdat ap gu ja'tkam. Jix bhai'p jum taatit oirida', ja biim ap gui' nam mi' pui' jiimdat bix ja jujur ki'n pui'p iim guch Gi'kora'.

23 Cha'p mi ja bɪpnatdat gui' nam dai ñiokboda' bɪxchu' bhaan ji chu a'gat na pu cham tu' mim nini'i'ñ, na gu' dhi' dai gu bhaamdara' tu ua'pu nap jax bax maat.

24 Na gu' no'ñ jir tujuandam tugi'ñ guch Gi'kora', cham jir am nañ ja kokdada' gu ja'tkam, gu' ja'pji nañ jir jix bhai'kam ka' bɪx pɪx ja bui, gio nañ jix joojoi'ñdha' nañ tu ja a'gi'ñdha'. Cham bham-mukda' iñ sia kum jai' dhit jax jiñ chitda.

25 Soi'ñ ilhdhat jañ pɪx xi ja aagi'ñdha' gui' nam jix bhaamki'ñdha' gux bhai'm kai'chdham ñio'ki'ñ gu Dios. Gu Dios ba' dɪlh jix maat no' pui' ja duñia' nam buiñor ti jii'ñdhai machia' na jax jir silhkam, aach dai gui' pɪx buiñor jix biiñak ka'.

26 Na gu' ja'p ji buusnia' nam bhai' ji ñiñña' no' mit jix bhai' ba maat na jax jir silhkam, ba machia' am gu' na tɪ'ngikar tir ja bia'ka' gu ja'ook. Mi' dhir ji boopoya' am ba', na gu' mi' ba' ja bia'kat ja iatgi'ñdha' na ba' pui' ja duiñchu'nda' na dɪlh jax ilhii'ñdha'.

### 3

*Gu Paablo na ba tu aa'nda' nam jax jir tu'm ka' gu ja'tkam jano' na pai' dhuuk bam aajidha' na tum kuugalhdha'*

1 Bɪx jañ jup xim aa'ñdham nap ba'x mat ka' na jax ba tum buidha' no' bar mia'n na tum ku-ugalhdha' ya' dhi oi'ñga'n. Jix xijaim pɪx ba tum buidha' bɪx aixim.

2 Gu ja'tkam bax aa'nda' am nam mui' bia'ka' gu tuumiñ nam ba' bhaan tu' pɪx ja ilhii'ñdha' gui' nam cham tu' bia'ka', gɛ'gɛrkam jum taat ka' am. Sia gu Dios tu' pɪx ba ilhii'ñdha' am, jax ñam pɪx

ai'chuxdhat ba a'gada'. Ni kum cham tu' ka'm ka ja nii'ñdha' gu ja tataat, tu' p̄ix ba ja ilhii'ñdha' am. Ni kum cham tu' ka'm ka ti nii'ñdha' gu xidhuu'n kam nax chu jai'ch, ja'p jam p̄ix xi dhuukat sia kum tiix maat.

<sup>3</sup> Ni kum cham joi'mdat ka aa'nda' gu jaroi', gam nam jix ia'tbi' ka'. Pu cham ka bhaai'n ka' nam jax dhui mik bua' pui' nam jax chu jimda'. Cham ti jügi'ñdha' am sia ku jaroi' ti tu ja a'gi'ñ na tu'r jix bhai'm duukam. Cham kaim ka' am, dai nam jix bhaak ka' p̄ix.

<sup>4</sup> Gio nam cham jixkat pu duñia' nam jax ti xi chi'ya', sia ku mit ti silhkam pui' xi chi' nam pu duñia' gu tu' nar jix bhai'm duukam, dai gu tu' nar jix buam jum duukam dho gi gu' pu duñia'm ji no' mit ba ilh. Gø'gørkam jum taatit gaagidha' am gu tu' nam ki'n jix bhai'm taat ka' d̄ilh, iam nam gaagidha' git nam jax ja'k mi' pui' jiidma' na jax jix aa' gu Dios.

<sup>5</sup> Pui' xi kai'chdha' am nam Dios buiñor ti jügi'ñdha', gu' p̄ix ji na gu' nam jax ja'k tu jimda', dhi' bhaan jix maat' ka' nam cham tu' mi' pui' jiidma' na jax ja'k jix aa' gu Dios nam tui'ñgida'.

Cha'p mi ja bipnatdat dhi' pu chu'm gu ja'tkam.

<sup>6</sup> Nam gu' dhi'x ja oi'ñ gui' nam nai' jiidmit ja iatgidhidha' gu u'uub mu ja'p nam jax oi'ñka' nam sap pik ba' ti ñio'ki'ñ gu Dios xi chu a'gidha', gu' ji na gu' d̄ilh nam jax p̄ix ilhii'ñdha', pu cham jir silhkam ka'. Gui'm jup ja jügi'ñdha', nam gu' cham mat ka' no' moor silhkam. Dai gu tu' nar ua'tulhdhara' ka' gu' nam bhaan jujurtika' ip dhi' dhi u'uub.

<sup>7</sup> Biix aixim tu'm ti bax chu mat ka' am, ji nam

gu' pu cham mat ka' gui' na pik tu'r silhkam ka'.

<sup>8</sup> Ja'p na jax gux jiipoiñar kam Jannes gio gu Jamres na mit tii ma'iich gu Moisees, pu'ñi ip xib dhi ja'tkam nam biiix aixim tu'm tu a'ga. Tii cham aa' am na tum a'gada' na tu'r silhkam, nam gu' daix buam jum duukam bhaan titii'ñcho na tu' cham jir kii', pu cham buiñor biiñak am gu Dios.

<sup>9</sup> Ku gu' cham miikidha' ji nam ba ja machia' gu ja'tkam nam jax ja'k jir tu'm. Cham ja jur bia' kam pix ba ja bia'ka' am mi' dhir gammiji ja'k, pui' nat jax tu ja dooda gu gook jiipoiñar kam nam tii pup mamai'chimik gu Moisees.

*Gu Paablo na daipu' pix ba aagi'ñdha' na jax ja'k tui'ñgida'*

<sup>10</sup> Aap dho gi gu' mi' pui' tu daa'ñchu' ji nañ jax ja'k tu mamtuxi'ñ aañ, nañ jax ja'k tu jim, nañ tu' jax bua, nañ jaroi' bhaan jix biiñak, gio nañ ji'x jix ñakoo' gu bhaamdara', gio nañ jax jix chu joi'gi'n, gio nañ jax ja'k jiñ guguuxdhat jix ñakoo' nañ nai'ñ chulhiñaim

<sup>11</sup> nam cham jiñ kiigalhi'ñ gu ja'tkam. Jix maat ap dho nat jax tuñ dhoda mu Antiokiiya, gio gama ja'k Ikoonio, gio mi' amuub ja'p ja'k na pai' Listra ti tii'. Giilhim na mit jiñ bhaamkidhak jiñ dhaagik jiñ chulhiñchuda, ji nat gu' guch Xoi'kam jiñ palhbui.

<sup>12</sup> Jir silhkam gu' nam pu'ñix ja bhaamkidhat ja tulhiñchu'nda' gui' nam ji'k buiñor bap tui'ñgida' guch Xoi'kam.

<sup>13</sup> Ba' gui' nam gammiji pux buam jum duukam jup tu buada', gio gui' nam silhkam xi kai'chdha' nam iatda', jix io'm cham bhai' tu ja jimia' gatuuk,

sia ku gu' xib palhüp pix cham bhai' tu ja jim. Gammiji pup ja iatgidhidha' am gu ja'tkam, gio diilh nam pui'p iatgidhix ka'.

<sup>14</sup> Xi kükgida' ap aap na pich jax ja'k ba tu maat. Dhi'p pix ja'k bhaan bam o'to'nka', na gu' pui' ja'k bam guguux japich diilh nam jax ja'k silhkam jum aagi'ñ gui' na mit jaroi' tum mamtux.

<sup>15</sup> Ihi'ch dhim dir bax maat ap na jax jum kai'ch gux uañ ñio'ki'ñ gu Dios na tu ua'ñix. Dhi' maa'n na jax mi' pui'm bhichdhatu'nda' nap ba' cham mu ja'k bhüya' nap pai' gammiji mi' pup jum tulhiñdha'. Gio nap jix bhai' buiñor jix büñak ka' guch Xoi'kam.

<sup>16</sup> Na gu' büx na ji'k jax tu ua'ñix gu ñio'ki'ñ gu Dios na mit tu ua'nak gu bijik dir kam, gu Dios diilh nat pui' ja'k ja jurtuda nam tu ua'na' nach ba' bhaan tuch mamtuxdhai mi' dhir pui'p ja mamtuxdha' gu jai'. Gio gu'x gi'm na mi' pui'm kai'ch nach ba' aach mi' dhir jix gi'm jup ja aagi'ñdha' gu jai'. Gio nach aagi'ñ na tu' cham bhaai' nach pu buada', nach ba' aach ya' dir ja'p ja'k jup ja aagi'ñdha' gu jai' na tu' cham jir kii' nam pu buada'. Gio ba' nach ja aagi'ñdha' nam jax chu't mi' pui' jiiinda' na jax jix kii' ka'm ni'ñ gu Dios,

<sup>17</sup> na ba' gu' gu jaroi' na silhkam buiñor jup tui'ka' gu Dios, jix bhai'x mat ka' na jax ja'k duñia' sia tu' na pix nar jix kii'p jum duukam.

## 4

<sup>1</sup> Ba' gu Dios gio guch Xoi'kam na gio bhai'p jim jix io'm gè'kam ki'n, na ba' gu ja'tkam gui' nam duduaka' gio gui' nam ko'iix ka' ja tutku' bhaan, ya' ja aagi'ñdha' no' mit jix bhai'm duukam jup tu

duu piam ku gu' dai gu tu' nar ua'tulhdhara', aañ dhi' ja kai'chdhat ya' pui'm tñda'

<sup>2</sup> nap siamri xi chu a'ga' gux bhai'm kai'chdham ñio'ki'ñ guch Xoi'kam. Cham jax bua sia kum cham kaik piam kum gu'x kaik, na cham ji'x ñikix ka' nap tu a'gada'. Jix bhai'p ja aagi'ñdha' nam jax ja'k jix maatit jum kəkəkə' nam ba'm jigi'ñdha'. Gu jaroi' no' buam pix tu bua, xi aagi'ñdha' ap jix gi'm na cham pui' ja'k tu jimda'. Xi ja guguuxdhat ap nam ba' cham jum o'jolhi'ñdha'. Cha'p bhaamda' ki'n jup tu ja mamtuxi'ñdha'.

<sup>3</sup> Kam aajim nam pai' dhuuk jai'chdhilhia' gu ja'tkam nam cham ji'x ka kaim ka' dhix bhai'm kai'chdham ñio'ki'ñ guch Xoi'kam na silhkam tu a'ga. Diih pix ba ja ga'ngada' am gui' nam tu ja mamtuxi'ñdha' dai pui' ja'k nam jax jix aa'nda' diih. Dai dhi' kəkəkə' am jaroi' na ja ko'raarda' na jax chu'm tu a'gada'.

<sup>4</sup> Ja'p jam xi dhuuji na tu' pik jir silhkam ka', dai gu tu' nar sapooki'ñ ka' nam jix io'm jix joo-joi'ñdha'.

<sup>5</sup> Aap gammiji mi' pui' xi jimdat na jax jix kii' ka'm nii'ñ gu Dios, cha'p tu' bhaan jum ua'tulhdhat. Xim guguuxdhaip xi chu a'ga' gux bhai'm kai'chdham ñio'ki'ñ guch Xoi'kam na bhaan tu a'ga na jax ja'k dui cham ja tulhiiñchuda' gu Dios gu ja'tkam. Jix bhai'p xi chu juana' dhi' bhaan, sia kup jim tulhiiñat, xi ñakgat ap.

<sup>6</sup> Na gu' chi moo ba miamlhim nam pai' dhuuk jiñ mu'aa', aañ dhi' pui' pix ilhii'ñ nañ buiñor bañ makgixidha' gu Dios, ba' dai nax bhai' bam ilhdha'ñ bui.

<sup>7</sup> Na ñich gu' mi' pui' jii na jax jix aa' sia pui' jiñ

chulhiñaidhat, ja'p na jax maa'n gu sandaarui'x no't mu pai' tu kokdarak na pai' cham jaroi' ilhii'ñdha' na gio duakam ja'k jup ka gixia'. Panaas kuñ milhchu' git ip ja'p na jax gui' nam pu chu'm ka'm titbia, bii'pi' ñich ai na pai' juugit daaxix.

<sup>8</sup> Xib ba' dai nañ bi'chulhi'ñ guch Xoi'kam maa'n gu kuruun jix abhaar nañ kixdha' jano' na pai' dhuuk tum kuugalhdha' ya' dhi oi'ñga'n. Na gu' gui'x uañ kat jir gø'kam, cham ji'xdha'x buam jum duukam jup tu duña'. Ba' cham tu' dai aañ jiñ bi'chulhi'ñ gu kuruun, gu' ja'pji sia gui' nam ji'k soi'm ilhdhat nñrada' na gio bhai'p jimda'.

*Gu Paablo na ba aagi'ñdha' na ji'k tu' jax dhuña'*

<sup>9</sup> Xim ga'ngada' ap nap jax ja'k dui jootom bhañ chii'mira'.

<sup>10</sup> Nat gu' gu Deemas ya' xiñ buak ba jii Tesa-loonika ja'k, na gu' dai bhaan jurtik gu tu' na ya'x chu jai'ch dhi oi'ñga'n bhaan. Gu Kresente maa'n kap jup jii na pai' Galaasia bhaan bipio' gui' gu dibii'r. Ba' gu Tiito bhai' dhir ja'k jup bhii maa'n kap na pai' Dalmaasia bhaan bipio' ip gui' gu dibii'r.

<sup>11</sup> Dai ba' gu Luukas ya'p tu'ii'ñ bii'm. Xi gaagai ap gu Maarkos bhai' xi baidhai, katti jai'ñ palh-buidha' nañ tu' jax bua.

<sup>12</sup> Gu Tiikiko ñich mu ja'k joot na jimia' Eepeso.

<sup>13</sup> Nap pai' dhuuk bhai' ba jimda'p ti'ñchokat nap bha ja'p xi bhiijidhat Troas nap bhai' xiñ bhuidhai gux kabook jiñ kutuun bhai' buiñor gu Karpo na ñich ka daasak, bii'x gux koopok jiñ u'uan. Gu jajoo'ñ u'uan pik jap ti'ñchokat, na gu' dhi' pik jix io'm jum aa'ñ bui.

14 Gu Alijaanru na bapaiñum ta'm tu juan, cham jup kañ kigalhi'ñ. Guch Gi'kora' dñilh makia' gu tu' nar mai'chikga'n ka'.

15 Cha'p tu'p jum buixi'ñdha' sia ku jax kai'ch, na gu' dhi' cham tu' mi' pui' ka tu daa'ñchu' na jax jum kai'ch gux bhai'm kai'chdham ñio'ki'ñ guch Xoi'kam dhi' nach bhaan tu a'ga, jix bhaamki'ñ pix ba'.

16 Pu cham jaroi'ñ palhbui jano' na mit jax jiñ iattulh gu ja'tkam ja bui gu gø'gørkam. Dñilh na ñich jiñ palhbui, na mit gu' bix ja'p xiñ dhuuk nach ji'k tii maap jich dhaa'ñchugit. Iam git dhi' bhaan cham tu'p jum buixi'ñdha' gu Dios.

17 Guch Gi'kora' dho gi gu'ñ palhbui ji, nat gu' gui'ñ guguux na ñich ba' siamri kuugalh na ñich tu a'ga gux bhai'm kai'chdham ñio'ki'ñ guch Xoi'kam na bhaan tu a'ga nach jax ja'k duñia' nach ba' cham mu ja'k bhaya' nach pai' gammiji pup jich chulhiñdha' git. Bix kai mit gui' nam cham jir Israel kam ja'tkam, na gu' guch Gi'kora' pix dñilh pui' ja'k jix aa' nañ tu duñia', pui' kut ba' gø'kam ki'n jiñ palhbui, ja'p tu tatda' nat panaas mabii'ñ ba jiñ jugiokak.

18 Ba' puñ palhbui'ñchu'nda' gammiji na cham jiñ dhaam jimia' gux buam jum duukam, na gu'ñ bi'chulhi'ñ nañ buiñor aaya' na pai' dhir bix kap jir gø'kam. Pui' ku ba'm aa' nach dai gui' gø'kamtu'nda' gammiji cham aagix kam. Moo git pui' tu tui'ka'.

*Gu Paablo na pui' ba tñda' na mi' dhir bhaankam xi ja ñio'kdha' guch Xoi'kam jigi'ñdham*

19 Mi' dhir jap jiñ a'mkam xi ja ñio'kdha' gu Priiska gio gu Akiila, sia gu Onesiiporo nam ji'k maap jir jum oi'dhagim.

20 Gu Erasto bhai' dhir pup oiri Koriinto. Gu Troopimo ñich ba' baasi'n dir xi dho'ñchok Mileeto, nat gu' ma tu ai.

21 Bipi' dir jap bhai' xim dikoo'ñdha' nap bha jimia' na chakui jipdha', na gu' bax xijai ka' no't ba jipdha. Ya' dir mum ñio'ki'ñ gu Eubulo, gio gu Pudente, gio gu Liino, gio gu Klaudia, gio ba' biix guch Xoi'kam jigi'ñdham nam ji'k ya'p tu'ii'.

22 Ba' pu'ñi pix tu tui'ka' ku ba' moo gu Gekam jich Xoi'kam pix jum bim jup tui'ngida', gio gu Dios jich Gi'kora' pix jam a'm ti niidhidha' biix ji'ma'n aapi'm.

**Gu ñio'ki'ñ gu Dios na bhaan tu a'ga guch  
xoi'kam  
New Testament in Tepehuan, Southeastern  
(MX:stp:Tepehuan, Southeastern)**

copyright © 2007 Wycliffe Bible Translators, Inc.

Language: Tepehuan, Southeastern

Translation by: Wycliffe Bible Translators, Inc.

Tepehuán del sureste [stp], Mexico

**Copyright Information**

© 2007, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Tepehuan, Southeastern

**© 2007, Wycliffe Bible Translators, Inc.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-05-05

---

PDF generated using Haiola and XeLaTeX on 18 Apr 2025 from source files  
dated 29 Jan 2022

0f8d31b9-5dd5-5a02-bb46-c2fd0a544e81